



Minggu, 12 Juni 2022

Ogen: Esekiel 40:1-4



IIDAH GUNA ITURIKEN



Mbue kal si la siangkai si jadi i doni enda, e maka perlu kal mediate ras megermet kita gelah banci kita meteh situasi ras si jadi. Arus sipake matata guna ngidah si lit ras sipake pinggelta guna meggi sora si nuri-nuri. Alu meggi ras ngidah banci tambah pengangkan ras pengertinta kerna sada-sada hal.

Bagenda me Esekiel i bas pengenehenna ibaba Tuhan ku Jerusalem itamakenna i bas deleng. I je nari iidahna melala rumah desken kuta, i je pe idahna dilaki si njemak tali penibari. Ia tedis deherken kerabangen. Man Esekiel isehkenna kata gelah kai siidahna arus iturikenna man bangsa Israel.

Bage me erbage pesan ntah pe tenah Dibata si arus isehkenna Esekiel selaku penjaga si suruh Tuhan nandangi bangsana. Icidahken Tuhan kai ateNa ituriken man bangsana, alu bage iangkai Esekiel min kai si jadi janah ipeangkakenna kai siidahna e man bangsa e. Nina kata bijak 'apa yang kamu lihat belum tentu apa yang kamu dengar'. Banci saja erkiteken kai sibegi kita, tergantung ise sinehkenca. Janah kai siidah kita pe adi mentas saja banci langa payo. Amin bage gia, jelas kal sura-sura Dibata paksa maba ras ncidahken man Esekiel kai si jadi. Erbage-bage cara Tuhan mpeangkaken sura-suraNa, man banta i bas jaman enda pe Dibata ncidahken erbage kejadiin man banta, pinakit, pandemi covid, radikalisme ras sidebanna guna siangka, la terjeng kejadiin e tapi campur tangan Tuhan, cara Tuhan guna ncidahken kuasaNa. Terdauhen kuga kita nurikenca man doni enda, man kalak sideban termasuk man kesusurenta, janah kai kin situriken kita? Kuasa Dibata nge, kesusahenta kin ntah kejahatan ras sperbahanen kalak sideban. Pilihnen i bas kita, tapi sura-sura Dibata turiken kuasaNa.

➤ *Nehen, idah ras turiken kerna perbahanen Dibata simbelin*